



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1859**

XVI. Markgraf Ludwig bestätigt dem Kloster Colbatz oder dem zu  
errichtenden Kloster Himmelstädt die Schenkungen seiner Vorgänger, am  
15. August 1328.

---

---

**Nutzungsbedingungen**

[urn:nbn:de:hbz:466:1-55359](https://nbn-resolving.org/urn:nbn:de:hbz:466:1-55359)

priuacione honoris, quod nullus vafallorum noſtrorum Domino Abbati et conuentui ſupradicto in dampnum et grauamen aliqua bona proprietatum ipſarum emere audeat quomodo vel preſumat, et conſenſus plenus Domini Abbatis et conuentus de Loco celi adhiberi debet. Alioquin iſta emtio irrita erit et inanis. Et noſcendum, quod Dominus Abbas et conuentus de Loco celi omnia et ſingula ſua bona abſque omni uexatione priuilegiorum ſuorum leſione ita libere, pacifice et quiete cum tali potentia et auctoritate debeat tenere, habere et poſſidere, ſicut et nos totum dominium noſtrum a predeceſſoribus noſtris poſſedimus et per gratiam Dei poſſidemus. Renunciantes inſuper ſolemniter expreſſe omni iuri, actioni et impetitioni, quod vel que nobis, heredibus aut ſucceſſoribus noſtris in ipſis bonis omnibus et ſingulis expreſſus in ſuperioribus litteris et priuilegiis tactis et nominatim poſitis competeſcit, competit aut quomodolibet competere poterit in futurum. Recipientes ipſum monaſterium Locum celi cum omnibus ſuis pertinentiis et bonis quibuſcunq; ac fratribus pro tempore ibidem degentibus ſub noſtra ſucceſſorumque noſtrorum protectione, deſenſione et tutela ſpeciali. Inhibentes inſuper omnibus et ſingulis Capitaneis, Aduocatis ac Officialibus noſtris preſentibus et futuris, ne ſepredictum monaſterium Locum celi, fratres ac bona ſua predicta in aliquo moleſtare, grauare aut perturbare audeant vel preſumant. In cujus rei firmiter robur preſentes litteras et noſtro authentico ſigillo juſſimus roborari. Teſtes hujus rei ſunt Nobiles viri Domini Gunther et Vlricus, Comites de Lindow, Dominus Segerus, prepoſitus Stendaliensis, Theodoricus et Rolekinus, preſbiteri, Henricus de Redere, Henricus de Wedel, Hermannus de Luchou et Michabel, dictus Kratze, milites. Petrus Rako, Petrus Ryke et Conradus de Santoch, ciues noſtri de Landesberghe, cum aliis pluribus ciuibus et clericis fidedignis. Datum in dicta Noua Landesberghe, anno domini milleſimo trecentefimo VI<sup>o</sup>, in vigilia Petri et Pauli apoſtolorum.

Aus Gercken's Cod. II, 322 nach dem Originale des Geh. Staatsarchives.

NB. Die Urkunde hat auch in der Originalausfertigung das lückenhafte Datum, wornach ſie in die Jahre 1326, 1336 oder 1346 geſetzt werden kann. Indefſen am 28. Juni 1346 war Ludwig überhaupt nicht in der Mark, am 28. Juni 1336 war er zu Wittenberg. Es bleibt alſo nur das Jahr 1326 übrig. Für dies Jahr paßt aber, wie Gercken ſchon richtig bemerkt hat, nicht der Titel Carinthie Dux, der dem Markgrafen um dieſe Zeit noch nicht gebührte. „Ueberhaupt“, bemerkt Gercken ſehr richtig, „iſt mir der ganze Schenkungsbrief faſt zu favorabel“. Wir haben in dieſem Documente wahrſcheinlich eine falſche Urkunde vor uns.

XVI. Markgraf Ludwig beſtätigt dem Kloſter Colbaz oder dem zu errichtenden Kloſter Himmelsſtadt die Schenkungen ſeiner Vorgänger, am 15. Auguſt 1328.

Nos Ludouicus, dei gratia Brandenburgensis et Luſatie Marchio, Comes Palatinus Reni et Bauarie Dux. Vniuerſis ac ſingulis, ad quos preſens ſcriptum peruenerit, ſalutem et omne bonum. Accedens ad Serenitatis noſtre preſentiam venerabilis et religioſus vir Dominus Theodoricus, Abbas monaſterii in Colbaz ordinis Ciſterciensis, nobis humiliter ex parte ſui et conuentus ipſius ſupplicauit, quatenus priuilegia, libertates, emunitates, gratias, donationes, iurisdictiones et jura per illuſtrem principem Dominum Albertum, Marchionem Brandenburg-

fem pie memorie, ipsis concessas et data ratificare, approbare, confirmare et punctatim in omnibus et singulis articulis et clausulis suis lucidius declarare auctoritate nostri principatus ac maiestate gratiose dignemur. Nos igitur ad honorem Dei omnipotentis et sue genitricis gloriose semper virginis Marie et ob salutem illustrium principum Marchionum Brandenburgensium, predecessorum nostrorum ac heredum et successorum nostrorum animarum memoriam et remedium salutare, venerabilis Domini Theodorici, Abbatis monasterii predicti, ac ipsius Conuentus rationabilibus et honestis supplicationibus benignius inclinati, priuilegia, libertates, gratias, donationes, emunitates, iurisdictiones et iura, utpote prouide, salubriter et benigne donata ex nostra certa scientia lucidius declaramus in hiis scriptis. In primis recognoscentes predictorum honorum proprietatem ad predictam ecclesiam Colbazensem vel ad Locum coeli, si construetur, immediate pertinebunt. Si autem predicti vasalli in appropriatis villis monasterio Colbaz aut Loco coeli predicta vendere debebunt, tunc Domino Abbati in Colbaz aut Abbati in Loco coeli vendere tenebuntur, et ipsi Abbatibus aut unus eorum pleno iure cum prouentibus et fructibus uniuersis possidebunt. Item quod ciues villarum Genyn, Pirene et Viez debeant esse contenti propriis limitibus, sic debet intelligi, uidelicet in paludibus, pratis, pascuis, agris cultis et incultis, pro eo autem, quod pecudibus Mericam attingere debeant et possunt et hoc est de nostra licentia et fauore speciali, ita tamen quod auenam ipsis per nos impositam annuatim soluere tenebuntur perpetuis temporibus nobis ac successoribus nostris, quam auenam nolumus augeri nec minui. Insuper talem gratiam facimus eidem, quod cum ligna qualiacunque seu carbones de mericis eorum vendiderint, per emtores duci possunt ad ciuitates, opida, villas et loca ipsis conuenientia nostris viis et stratis per nemora, siluas et campos sine impedimento lucariorum et custodum nemorum nostrorum et famulorum eorundem quorumcunque. Et notandum, quod omnia et singula bona in literis illustris principis Domini Alberti, Marchionis Brandenburgensis pie memorie, conscripta et posita cum omnibus pertinentiis, prouentibus, fructibus et redditibus, etiam quocunque possunt censi vocabulo, etiam cum redditibus mellis, omni exceptione postergata et postposita, approbamus, ratificamus et confirmamus, nihil iuris in predictis bonis nobis aut nostris successoribus penitus omnino referuantes. Sed omnia pure propter Deum ecclesie Colbacensi aut ecclesie noui monasterii futuri, quod per Dominum Albertum Locum coeli scimus appellatum, pro nobis, heredibus ac successoribus nostris fauorabiliter remuneramus et deuote donamus litteras per presentes auctoritate nostri principatus iusto libertatis ac proprietatis titulo perpetuo possidenda. In cuius rei firmiter testimonium sigillum nostrum presentibus est appensum. Testes hujus facti sunt Nobiles viri Domini Guntherus et Vlricus, Comes de Lindow, Hinricus de Wedele et Michahel, dictus Cratz, milites, Tidericus et Rulekinus, presbiteri. Petrus Rakou, Petrus Rike et Conradus de Zantoch, ciues nostri de Landesbergh, cum aliis pluribus fide dignis. Datum in dicta Noua Landesberghe, per manum Hermanni de Luchou, anno domini Millesimo CCCmo XXVIII., ipso die assumptionis B. Marie virginis gloriose.

Nach dem Originale in Gercken's Cod. II, 319 und Diekmann's Sammlung fol. 300.